

黃御史集

唐黃御史集卷之五

唐監察御史黃滔著

碑記銘

泉州開元寺佛殿碑記

混沌死而天地生道德銷而仁義作情車業網
始脉旋波天謂洛龜河龍文有生而不文無生
乃產金聖人於西國鑄智慧火乾煩惱海理不
吾吾而一貫生生其姿電耀於周室其波派漾

於漢代縣是館移鴻臚城崇白馬斯有寺之始也寺制殿象王者之居尊其法也其後金地蓮扃周旋四海烏飛兔走或故或新至如神運之靈莫靈矣亦靡得而歸然則我州開元寺佛殿之與經樓鐘樓一夕飛燼斯革故鼎新之數也初僕射太原公以子房之帷幄布泉城以叔度之袴襦續泉民而謂竺乾之道與尼聃鼎宜根乎信而友乎理矧開元 宇五十載之聖容寶

寺之冠洎帥閩也愈進其誠繕經三千卷皆枉
越藤之精書工之妙駕以白馬十乘送以府僧
迎以郡僧置茲之樓旣而蜀雨不飛識者以爲
物之尤罕留於世教之至必動乎神是必爲地
祇所搜龍宮之索不然者曷與斯故新之數期
厥理則明我宜惓然不已仲弟檢校工部尙書
爲茲郡之秋也武則拍孫吳之背文則席夏商
於前而復龍虎之內以塤以箎大聳孟龍之吉

乃割俸三千緡鳩工度木烟巖雲谷之杞梓榱
桷投刃以時趨功以隙食以月粟付以心僦不
暮年輒寶殿湧出棟隆舊綺梁脩新虹八表四
隅悉半乎丈柱盛鏡礎方珪叢斗楹承蟠螭飛
雲翼拱欂櫨刻楠轆轤枅枿或經緯以开織或
丹雘而纈耀晶若蟾窟業如鼇背風夏觸而秋
生僧朝梵而谷應昇者骨冰觀者目波而五閭
兩屢昔之制也自東迦葉佛釋迦牟尼佛左右

真容次彌勒佛彌陀佛阿難迦葉菩薩衛神雖
法程之有常而相貌之欲動東北隅則揭鐘樓
其鐘也新鑄仍偉舊規西北隅則揭經樓雙立
嶽峰兩危蜃雲東瞰全城西吞半郭霜韻扣而
江山四爽金字駢而講誦千來是知天地日月
鬼神不欲一存其物將有待於後人也設使斯
殿也斯樓也不有之故其何以新我公之作之
爲其何以布之哉三略六韜流通貝多戈霜劍

雪爲甘露潔信英智之所措也旣畢召化內之
緇錫數邁于千齋而落之累中慈雲五色慧日
重輪譚者以爲梵天之宇化於是矣靈山之會
儼於是矣我公之倅試大理評事宋君曰駢才
推博古識洞真如請立貞珉垂於不朽公以小
儒不佞俾刻斯文僧正臨壇大德僧宣一桑門
之關鍵者曰寺有記亡之矣垂拱二年郡儒黃
守恭宅桑樹吐白蓮花捨爲蓮花道場後三年

昇爲興教寺復爲龍興寺逮元宗之流聖儀也
卜勝無以甲茲遂爲開元寺焉嘗有紫雲覆寺
至地至今凡艸不生其庭大矣哉自垂拱之迄
開元四朝而四易號及句諒兆水於木垂雲薤
艸謂桑蓮之天啓地靈之如是則開元實寺之
冠斯又冠開元焉金聖人無爲也堯舜亦無爲
也誠叅錯其道巍巍聖儀永與諸佛如來俱豈
不其然愚是以奮筆於一公之說乾寧四年丁

已冬十一月日記

大唐福州報恩定光多寶塔碑記

金聖人之教功與德魯聖人之教忠與孝以忠
孝之所功德莫之大也天復元年辛酉天仔西
巡岐汴交兵京洛顛顛我威武軍節度使相府
瑯琊王王公祝天地鬼神以至忠之誠發大誓
願于開元之寺造塔建號壽山仍輔以經藏乞
車駕之還宮也其三年甲子以大孝之誠發大

誓願于茲九仙山造塔建號定光仍輔以經藏
爲先君司空先秦國太夫人元昆故司空薦祉
于幽陰也大矣哉赫赫忠誠懇懇孝思以國以
家以明以幽胡天地之不動歟胡鬼神之不感
歟釋之西天謂之宰堵波中華謂之塔塔制以
層增其敬也造之獲無量無邊功德初我公以
宏才鈔略之有藩維以仁智神鑒之謀遠大謂
閩越之江山奇秀土風深厚而府城坐龍之腹

烏石九仙二山聳龍之角屹屹巖巖孱孱顏顏
兩排地面雙立空際惟石如墉迴崗若揖東街
滄海以鏡豁西走建溪而帶縈氣色蒙茸風雲
蓬勃非仙宮佛寺不可以乘龍之角大龍之腹

何烏石二而九仙曠烏石山有神豈非代虛其

作地祕其期以待我公况古仙鍊骨之所昇真

之跡耶一旦之新城月圓王戊歲我公卜築其外城號月城二

山之嘉氣雲連森上介掀大旆或旬或朔眷于

粉堞之上時行時止卜於煙巒之堀得峻中之
平平中之峻凸而不隆凹而不卑樹翳蒼以奇
姿草芊蕝而別翠遂從弘願啓茲塔之基焉塔
之科也恐山之偏憂地之入將塹平壤五十尺
之深百有餘尺之闊杵土積石而上上聲逮二十
尺瞥然虹見瑩然穴貯俄以珠寶之獲坐以金
錢大不及拳光能奪目于時清風四來海天擴
開煙霞翳蔚於城隅鸞鶴盤旋於林表舉閩之

軍傾聞之俗以趨以走以歌以詠旣而奮鍾投
般倅奮內鼙以塽凡四十萬口外構以木蓋百
其巧七層八面玲瓏窈窕懷桷欄楯轆轤枅
雲楣翼環珪斗鱗蹙彫鏤丹雘曲盡其妙方七
十有七尺高二百尺相輪之四十尺叅之也懸
輪之鐸一百九十懸層之鐸五十有六角瓦之
神五十有六其內也則門門面面續以金像不
可勝紀登之者若身在梵天瞻之者覺神離瞻

部業業然觸圓青而直上野鶴經之而高翔疑
掠其腹鱗鱗然壓峭碧而崛起地祇感之而下
捧疑殫其力其相輪也我公誓願之日仲氏司
徒自清源聞而感鑄而資雖從人力悉類神功
謹按妙法蓮花品自地湧塔于佛之前其幢幡
瓔珞瑪瑙車渠七盤四懸乘虛耀日乃多寶之
佛發大誓願之感現也繇是以斯塔取如來之
嘉號號之曰定光以其感珠之現侔於自地之

湧故聯之於多寶本於孝思薦劬故冠之以報
恩此其義也夫如是大雄之力出死人生至誠
之神感天動地若乃沉沉夜壑浩浩世塵莫不
以茲元符承彼慧日超於三千大千之世遊人
二十八天者哉苟不之然則凡彼經文悉爲之
虛語耳又焉能垂信於百千年之後哉旣而巍
巍峩峩金輝鐵牢其東則翼以經藏焉其藏也
外構以扁八角兩層刻栴檀鏤金銅飾朱漆之

炳煥仍衛以華堂七間名之轉經焉致其沙門
比邛比比厥跡以爲拜唱趺讀叢談聚聽之湊
日繫乎月月繫乎時軒軒闐闐奚景福之不幽
資乎又感應天王殿一間兩厦其天王也變毗
沙之身於感通之年現神質爲龜城之助條腰
衣褐屣足乘雲雙吐日光兩飛霞彩乃千百億
化身之一爲壽山艸木之應今塑于此厥感寧
亡其西則翼之別殿曰塔殿其塔也我公萌誓

願之先因心以制十有三層之妙形匪偉而誠

有爲

去聲

殿斯奇而塔斯處其北則報恩變相堂

九間潔瑠璃之地等娑婆之世七寶叢樹五色

騰光明明見闍提之心一一標如來之說又僧

堂五間上五間下之與茶堂五間直聯曲交冬

溫夏涼又華鍾之樓迥起清音下折刀山長明

燈之臺圓籠孤光杳輝漆壤其東南之一臂復

建地藏殿一間兩厦功德堂五間僧堂五間張